

dla wuzwólwanja

- gmejskeje rady gmejny Stara Niwa-Wózwjerch (Alt Zauche-Wußwerk)
- cesnoamtskego šolty abo cesnoamtskeje šoltowki gmejny Stara Niwa-Wózwjerch (Alt Zauche-Wußwerk)

na 09. juniju 2024

### Znatecynjenje wjednice wuzwólwanja

wót 14. februara 2024

Za paragrafoma §§ 26 a 64 póstawk 3 Bramborskeje kazni dla komunalnych wuzwólwanjow (BbgKWahlG) a za paragrafom § 31 póstawk 2 a 3 Bramborskego wustajenja dla komunalnych wuzwólwanjow (BbgKWahlV) dajom ja slědujuce informacije k wěści:

#### I. Terminy a cas głownych wuzwólwanjow a dowuzwólwanjow

Za wustajenim dla dnja a casa powšykných komunalnych wuzwólwanjow w lěše 2024 wót 17. awgusta 2023 (GVBl. II nr. 57) pšewježo se dwójce **wuzwólwanje** (głowne wuzwólwanje)

- gmejskeje rady gmejny Stara Niwa-Wózwjerch
- cesnoamtskego šolty abo cesnoamtskeje šoltowki gmejny Stara Niwa-Wózwjerch

**nježelu, 09. junij 2024 wót zeger 8 do 18**

kaž teke

ewentuelnje trjebne **dowuzwólwanje**

- cesnoamtskego šolty abo cesnoamtskeje šoltowki gmejny Stara Niwa-Wózwjerch

**nježelu, 30. junij 2024 wót zeger 8 do 18**

#### II. Napominanje k pšipowěženju kandidatow a kandidatkow

Za tym ako ministar za nutšikowne a komunalne nastupnosći jo pšez kaznjojske wustajenje terminy togo zwjercha wumjenjonego dwójego głownego wuzwólwanja a dowuzwólwanja wustajil, napominajom ja za paragrafom § 31 póstawk 2 sada 3 wustajenja BbgKWahlV, aby **tak jěsno ako móžno** kandidaty a kandidatki za to same wuzwólwanje pšipowěželi. Wušej togo dajom slědujuce informacije k wěści:

##### A. Wuzwólwanje gmejskeje rady gmejny Stara Niwa-Wózwjerch

#### 1. Licba gmejskich zastupnikow a zastupnicow, kótarež deje wordowaš wuzwólone

Nagromadu dej **8** gmejskich zastupnikow a zastupnicow wordowaš wuzwólonych.

#### 2. Wuzwólowańske wokrejsje

Gmejna Stara Niwa-Wózwjerch wobstoj za paragrafom § 20 póstawk 2 kazni BbgKWahlG z **jadnogo** wuzwólowańskego wokrejsa (470 wobydlarjow).

#### 3. Pšawo na pšipowěženje kandidaturow a wustajony cas k pšipowěženju kandidaturow

3.1 Kandidatury mógu wordowaš pšipowěžone wót **partajow, politiskich zwěstkow,**

**wuzwólowańskich grupow a samotnych kandidatow abo kandidatkow.** Wušej togo mógu partaje, politiske zwěstki a wuzwólowańske grupy teke gromaže ako **lisćinowy zwěstek** kandidatury pšipowěžeš. Wóni směju se pak pši kuždem wuzwólowanju jano na jadnom lisćinowem zwěstku wobželiš; cłonki lisćinowego zwěstka njesměju samostatnu kandidaturu za **to same** wuzwólowanje pšipowěžeš.

- 3.2 Pšipowěženje kandidaturow dej se staš **tak jěsno ako móžno**. Pisne pšipowěženja muse se zapódaš **nanejpóźdzej** až do

**stwórtka, 04. apryla 2024, zeger 12,**

pla

**wjednice wuzwólowanja za gmejny amta Luboraz/Górne Błota,  
amt Luboraz/Górne Błota, Cerkwina droga (Kirchstraße) 11, 15913 Tšupc  
(Błota), abo Mark (Markt) 4, 15868 Luboraz (Lieberose)**

4. **Wósebna slušnosć pšizjawjenja lisćinowych zwěstkow**

To wótglědanje, aby se lisćinowy zwěstek založyl, muse organy wšych wobžělonych organizacijow, kótarež su pšislušne za teritorium wuzwólowanja, wjednicy wuzwólowanjow we **gmejnach amta Luboraz/Górne Błota** zjawiš. To zjawjenje dej se staš **pisnje a nanejpóźdzej** až do **stwórtka, 04. apryla 2024, zeger 12**. Su-li partaje abo politiske zwěstki na lisćinowem zwěstku wobžěłone, ga musy ta deklaracija byš pódpisana wót nanejmjenjej dweju cłonkowu jich pšedsedařstwa, kótarež jo pšislušne za teritorium wuzwólowanja, mjazy drugim wót pšedsedarja abo pšedsedařki abo wót zastupnika abo zastupnice; pla wuzwólowańskich grupow musy wósoba z pšawom zastupowanja pódpisaš.

5. **Pšipowěženje jadneje lisćiny za cely teritorium wuzwólowanja abo wěcej lisćinow za jadnotliwe wuzwólowańske wokrejsje**

Partaja, politiski zwěstek, wuzwólowańska grupa abo lisćinowy zwěstek móžo pšipowěžeš **pak jadnu** lisćinu kandidaturow, ako se póšěgujo na cely **teritorium wuzwólowanja** (jadna lisćina za wšykne wuzwólowańske wokrejsje), pak **wěcej** lisćinow, ako se póšěgujo na jadnotliwe **wuzwólowańske wokrejsje** (jadna lisćina za kuždy wokrejs). Lěc pšipowěžejo se jedna lisćina za cely teritorium wuzwólowanja abo wěcej lisćinow za jadnotliwe wuzwólowańske wokrejsje, rozsužijo pla partajow abo politiskich zwěstkow lokalne pšedsedařstwo, kótarež jo za teritorium wuzwólowanja pšislušne (njedajo-li take pšedsedařstwo, ga rozsužijo pšedsedařstwo na nejblišej wušej rowninje) a pla wuzwólowańskich grupow wósoba z pšawom zastupowanja. Samotne kandidaty mógu pšipowěžeš **swóju kandidaturu** pak za **teritorium wuzwólowanja** pak za **wuzwólowański wokrejs**. Jano z tym přědnym mógu wóni we **celem** teritoriumje wuzwólowanja kandiděrowaš.

6. **Wopšimješe pšipowěženja kandidaturow**

- 6.1 Kandidatury deje se pšipowěžeš na **formularu 5a** k paragrafoju § 32 póstawk 1 sada 1 wustajenja BbgKWahlV. Pšipowěženja deje wopšimješ

- a) familijowe mě, pšedmě, pówołanje abo žělabnosć, žen a město naroda, statnu pšislušnosć a adresu kuždego kandidata abo kuždeje kandidatki we derje widobnem řědu,
- b) **pši pšipowěženju kandidatury pšez partaju abo politiski zwěstek**: połne mě teje partaje abo togo politiskego zwěstka a teke skrotcone mě, jolic wóni take wužywaju; pódane mě partajow abo politiskich zwěstkow musy se makaš z mjenim, kótarež te same we kraju oficielnje wužywaju,
- c) **pši pšipowěženju kandidatury pšez wuzwólowańsku grupu**: mě teje wuzwólowańskeje grupy a teke skrotcone mě, jo-lic až wóna take wužywa; z togo mjenja musy se wuznaš, až žo wó wuzwólowańsku grupu; mě a ewentuelne skrotcone mě njesmějotej wopšimješ žednogo mjenja partajow abo politiskich zwěstkow abo skrotconego mjenja tych samych,

- d) **pši pšipowěženju kandidatury pšez lisćinowy zwěstka:** mě toho lisćinowego zwěstka a teke skrotcone mě, jo-lic až wón take wužywa; wušej toho muse se pódaš mjenja a teke ewentuelne skrotcone mjenja partajow, politiskich zwěstkow a wuzwólowskařskich grupow, kótarež su na tom lisćinowem zwěstku wobžěłone,
- e) mě teritoriuma wuzwólowanja a – pšědujo-li se to pšipowěženje na **wuzwólowskaři wokrejs** – teke pomjenjenje toho wokrejsa.

**Pšipowěženje kandidatury**, zapódane wót **samotneho kandidata abo kandidatki**, smějo wopšimješ jano te pódaša, kótarež su pód punktoma a) a e) wumjenjone.

- 6.2 Kužde pšipowěženje musy wopšimješ nanejmenjej jadnogo kandidata abo jadnu kandidatku. Pšipowěženje, ako se pšědujo na cely **teritorium wuzwólowanja**, smějo nagromadu maksimalnje **12** kandidatow abo kandidatkow wopšimješ.
- 6.3 Wušej toho dej to pšipowěženje kandidatury wopšimješ mě, adresu a telefoniski numer **dowěrnika a zastupujućeho dowěrnika**. Teke kandidat abo kandidatka móžo wordowaš za dowěrnika wumjenjony/wumjenjona. Njejo-li w kaznjach něco drugego wustajone, matej jano dowěrnik a zastupujućy dowěrnik, kuždy wósebje, pšawo wězajuće deklaracije ku kandidaturje wótedaš a pšiwzeš.
- 6.4 **Pšipowěžeński formular partaje abo politiskego zwěstka** musy byš pšidpisany wót nanejmenjej dweju člonkowu pšedsedarstwa, kótarež jo za teritorium wuzwólowanja pšislušne, mjazy drugim wót pšedsedarja abo pšedsedariki abo wót zastupnika abo zastupnice. **Pšipowěžeński formular wuzwólowskařskeje grupy** musy byš pšidpisany wót wósoby z pšawom zastupowanja. Až ta sama wósoba ma pšawo zastupowanja, musy wóna na mójo póžedanje dopokazaš. **Pšipowěžeński formular lisćinowego zwěstka** musy byš pšidpisany wót kuždeje partaje, kuždego politiskego zwěstka a kuždeje wuzwólowskařskeje grupy, kótarež su na zwěstku wobžěłone. **Pšipowěžeński formular samotneho kandidata abo kandidatki** musy byš pšidpisany wót njogo samego abo wót njeje sameje.

#### 6.5 **Wažne wobgranicowanja**

Kuždy kandidat a kužda kandidatka smějo jano na jadnom pšipowěžeńskem formularu za wuzwólowanje gmejnskeje rady gmejny Stara Niwa-Wózwjerch byš wumjenjony/wumjenjona. Kandidat abo kandidatka na pšipowěžeńskem formularu **partaje** njesmějo byš člonk drugeje partaje, kótaraž jo ze swójeju samskeju kandidaturu na wuzwólowanju wobžěłona.

### 7. **Kriterije za kandidaty abo kandidatki**

- 7.1 Aby za **partaju, politiski zwěstka, wuzwólowskařsku grupu abo lisćinowy zwěstka** kandiděrowaš, musy kandidat abo kandidatka slědujuće kriterije dopolnić:
  - a) **Kandidat abo kandidatka musy měš pasiwne wuzwólowskařske pšawo** za paragrafom § 11 kazni BbgKWahlG.
  - b) **Kandidat abo kandidatka musy byš wumjenjony/wumjenjona pšez zgromažinu k wumjenjenju kandidatow** za paragrafom § 33 kazni BbgKWahlG (glej numer 8).
  - c) **Kandidat abo kandidatka musy pisnje zwóliš** do swójogo wumjenjenja na pšipowěžeńskem formularje. To zwólenje musy se daš za **musterom 7a** k paragrafoju § 32 póstawk 5 numer 1 wustajenja BbgKWahlG. Wordujo-li kandidatura wót **partaje** pšipowěžona, ga musy kandidat abo kandidatka we tom zwólenju teke swóje partajske člonkojstwa pódaš abo wopowěžeš, až njejo člonk žedneje partaje.

Tej pód punktoma a) a c) wumjenjonej kriterija pšašitej teke za **samotne kandidaty a kandidatki**.

#### 7.2 **K pasiwnemu wuzwólowskařskemu pšawoju (chto smějo wordowaš wuzwólony)**

### 7.2.1 Pasiwne wuzwólowařske pšawo **Nimcow**

Wšykne Nimce za myslu artikela 116 póstawk 1 zakładneje kazni směju za paragrafom § 11 póstawk 1 kazni BbgKWahlG wordowaš wuzwólone, gaž wóni

- su až do 09. junija 2024 18. lěto žywjnja dokóńcowali a
- maju nanejmenjej tši mjasece swójo wobstawne bydlenje na teritoriumje wuzwólwanja abo tak dłuško how za wětšy žěl pšebywaju.

Za paragrafom § 11 póstawk 2 kazni BbgKWahlG njesmějo Nimc abo Nimcowka wordowaš wuzwólony abo wuzwólona, gaž wón abo wóna

- njama za wusuženim sudnistwa wuzwólowařskego pšawa,
- pšebywa w psychiatriskej chórowni za sudnikojkim wukazom za paragrafom § 63 gromaže z paragrafom § 20 knigłow štrofnych kaznjow abo
- za wusuženim sudnistwa njama pasiwneho wuzwólowařskego pšawa abo njejo gódný/gódna zjawny amt wugbaš.

### 7.2.2 Pasiwne wuzwólowařske pšawo **bergarjow Europejskeje unije**

Za paragrafom § 11 póstawk 1 kazni BbgKWahlG směju teke wšykne písłušniki cłonkojskich statow Europejskeje unije wordowaš wuzwólone, kótarež

- su až do 09. junija 2024 18. lěto žywjnja dokóńcowali a
- maju nanejmenjej tši mjasece swójo wobstawne bydlenje na teritoriumje wuzwólwanja abo tak dłuško how za wětšy žěl pšebywaju.

Za paragrafom § 11 póstawk 3 kazni BbgKWahlG njesmějo bergar abo bergarka Europejskeje unije wordowaš wuzwólony abo wuzwólona, gaž wón abo wóna

- njama za wusuženim sudnistwa wuzwólowařskego pšawa,
- pšebywa w psychiatriskej chórowni na sudnikojki wukaz za paragrafom § 63 gromaže z paragrafom § 20 knigłow štrofnych kaznjow,
- pšez wusuženje sudnistwa njama pasiwneho wuzwólowařskego pšawa w Nimskej abo njejo gódný/gódna zjawny amt wugbaš abo
- za wusuženim sudnistwa we indiwiduelnem paže na zaklaže ciwilnego abo štrofnego pšawa njama pasiwneho wuzwólowařskego pšawa **w rodnem staše**.

### 7.3 Gromaže z pšipowěženim kandidatury dej kuždy kandidat a kužda kandidatka zapódaš wopóznanijenje wuzwólowařskego zastojnstwa za **musterom 8a** k paragrafoju § 32 póstawk 5 numer 2 wustajenja BbgKWahlV, až wón abo wóna ma pasiwne wuzwólowařske pšawo.

**Bergarje Europejskeje unije**, kótarež su pisnje zwólili do swójeje kandidatury, muse **wušej togo z mócu píssegi wobwěściš** swóju **statnu písłušnosť** a až maju pasiwne wuzwólowařske pšawo we swójom **rodnem cłonkojskem kraju**. To wobwěsćenje musy se daš pisnje za **musterom 8c** k paragrafoju § 32 póstawk 5 numer 3 wustajenja BbgKWahlV a musy gromaže z wopóznanijenim za sadu 1 wordowaš mě pšedpóložone.

## 8. **K wumjenjenju kandidatow a kandidatkow za paragrafom § 33 kazni BbgKWahlG**

### 8.1 **Kandidaty a kandidatki jadneje partaje abo politiskego zwěstka** a teke řed jich kandiděrowanja muse wordowaš na zgromažinje cłonkow teje sameje partaje abo politiskego zwěstka pšez pótajmne zgłosowanje wustajone (**cłonkojska zgromažina**). Te cłonki teje zgromažiny muse we tom wokognušu, ako se gromadu zejdu, měš **na teritoriumje wuzwólwanja wuzwólowařske pšawo**. To mógu wugbaš teke delegěrowane, kótarež cłonki (sada 1) su sami ze se we pótajmne wuzwólwanju wósebje k tomu wuzwólili (**zgromažina delegěrowanych**).

### 8.2 Njama-li partaja abo politiski zwěstka na teritoriumje wuzwólwanja **žedneje organizacije**, ga mógu kandidaty a řed jich kandiděrowanja wordowaš wustajone

- pšez cłonki teje sameje partaje abo politiskego zwěstka, kótarež maju na teritoriumje amta

wuzwólowska pšawo, abo pšez jich delegěrowane; abo

– pšez člonki teje sameje partaje abo politiskego zwěstka, kótarež maju pšawo wuzwólowaš wokrejsny sejm Dubja-Błota, abo pšez jich delegěrowane.

- 8.3 **Kandidaty a kandidatki wuzwólowskaje grupy** kaž teke rěd jich kandiděrowanja muse wordowaš na zgromažinje jeje člonkow pšez **pótajmne zgłosowanje wustajone (člonkojska zgromažina)**. Te člonki teje zgromažiny muse we tom wokognušu, ako se gromadu zejdu, měš **na teritoriumje wuzwólowanja wuzwólowska pšawo**. Njejo-li wuzwólowska grupa organizěrowana pšez člonkojstwo, ga mógu kandidaty a rěd jich kandiděrowanja wordowaš na tu samu wizu wustajone na zgromažinje **pšiwisarjow a pšiwisařkow** wuzwólowskaje grupy (**zgromažina pšiwisarjow a pšiwisařkow**). Te na zgromažinje wobžěłone pšiwisarje a pšiwisařki muse we tom wokognušu, ako se gromadu zejdu, měš **na teritoriumje wuzwólowanja wuzwólowska pšawo**. To mógu wugbaš teke delegěrowane, kótarež člonki abo pšiwisarje a pšiwisařki (sada 1 a 3) su ze se we **pótajmne** wuzwólowanju **wósebje** k tomu wuzwólili (**zgromažina delegěrowanych**). Rozkłaženja k numeroju 8.2 płaše wótpowědnje za wuzwólowskaje grupy, ako su organizěrowane **pšez člonkojstwo**.
- 8.4 **Kandidaty a kandidatki lisćinowego zwěstka** a rěd jich kandiděrowanja muse wordowaš wustajone na **zgromadnej** zgromažinje člonkow a delegěrowanych pšez **pótajmne** zgłosowanje; wušej togo płaše wustajenja paragrafa § 33 kazni BbgKWahlG pó zmysle.
- 8.5 Pšislušne pšedsedařstwo partaje abo politiskego zwěstka abo wumjenjony zastupnik abo wumjenjona zastupnica wuzwólowskaje grupy dej člonkam, pšiwisarjam a pšiwisařkam abo delegěrowanym na tu zgromažinu kazaš, a to **nanejmnjej tši dny pšed zgromažinu**, pak kuždego wósebje abo pšez zjawne znatecynjenje.
- 8.6 **Kužda** wósoba, ako se na zgromažinje wobžělijo a ma pšawo sobu wuzwólowaš, ma teke **pšawo kandidaturu** k pótajmne **wuzwólowanju** kandidatow a delegěrowanych **pširucys**. Kandidatam a kandidatkam dej se góžba daš a dosć casa pšiměriš, aby swój program zgromažinje pšedstajili. Na zgromažinje muse **nanejmnjej tši** člonki, pšiwisarje a pšiwisařki abo delegěrowane se na zgłosowanju wobžěliš.
- 8.7 Wót **zgromažiny** člonkow, pšiwisarjow a pšiwisařkow abo delegěrowanych dej se **spisaš protokol** za musterom **9a** k paragrafoju § 32 póstawk 5 numer 4 wustajenja BbgKWahlV. Ten protokol dej se pšipowěženju kandidaturow pšipoložyš. Z protokola dej se wuznaš, kaka zgromažina jo to była, a žo a ga jo se pšewjadła, wušej togo forma pšepšosenja, licba wobžělonych člonkow, pšiwisarjow a pšiwisařkow abo delegěrowanych kaž teke rezultat pótajmneho wuzwólowanja. Pši tom dej **wjedniki** abo **wjednica zgromažiny** a **dwě wót zgromažiny k tomu wumjenjonej wósobje, ako stej se na zgromažinje wobžěliłej**, z mócu pšisegi wobwěsćiš, až kaznjojske minimalne kriterije za demokratiske wustajenje kandidatow a kandidatkow za paragrafom § 33 póstawk 5 kazni BbgKWahlG su se dopoňili.

## 9. **Pódpěrajuce pódpisma**

### 9.1 **Wulichowanje wót slušnosći zběranja pódpěrajucych pódpismow**

#### 9.1.1 **Partaje a politiske zwěstki njemuse zběraš pódpisma za swóje kandidatury, jolic až su byli na 21. awgusće 2023 zastupjone**

– we **20.** Zwězkowem sejmje abo we **7.** Bramborskem sejmje pšez nanejmnjej jadnogo we kraju Bramborska wuzwólonego wótpóslanego abo wótpóslanu,

– abo we wokrejsnem sejmje Dubja-Błota pšez nanejmnjej jadnogo wótpóslanego abo wótpóslanu,

– abo we gmejnskej raže gmejny Stara Niwa-Wózwjerch pšez nanejmnjej jadnogo gmejnskego zastupnika abo zastupnicu;

a jolic až to zastupowanje trajo njepestawajucy wót slědnego wuzwólowanja

a jolic až to pšipowěženje tych samych zastupnikow k slědnemu wuzwólowanju dajo se tej samej partaji abo tomu samemu politiskemu zwěstkoju pšilicyś.

9.1.2 **Wuzwólowańske grupy** njemuse zběraś pódpisma za **swóje kandidatury**, jolic až su byli **na 21. awgusće 2023** zastupjone

– we wokrejsnem sejmje wokrejsa Dubja-Błota pšez nanejmenjej jadnogo wótpóslanego abo wótpóslanu abo we gmejnskej raže gmejny Stara Niwa-Wózwjerch pšez nanejmenjej jadnogo gmejnskego zastupnika abo zastupnicu;

a jolic až to zastupowanje trajo njepestawajucy wót slědnego wuzwólowanja;

a jolic až to pšipowěženje tych samych zastupnikow k slědnemu wuzwólowanju dajo se tej samej wuzwólowańskej grupje pšilicyś.

9.1.3 Słušnosť zběranja pódpěrajucych pódpismow njeplaši wušej tego za **lisćinowe zwěstki**, gaž nanejmenjej jedna jich wótzělbow dopolnijo nanejmenjej jaden wót kriterijow za wulichowanje wót teje słušności, ako su wumjenjone we numerje 9.1.1 abo 9.1.2.

9.1.4 **Kandidatury samotnych kandidatow a kandidatkow**, ako su na **21. awgusće 2023** byli na zaklaže samotneje kandidatury zastupjone we wokrejsnem sejmje Dubja-Błota abo we gmejnskej raže gmejny Stara Niwa-Wózwjerch, su wót słušności zběranja pódpěrajucych pódpismow wulichowane.

9.1.5 Kandiděrujo-li cesnoamtski šołta abo šołtowka k wuzwólowanju gmejnskeje rady gmejny Stara Niwa-Wózwjerch ako kandidat partaje, politiskego zwěstka abo wuzwólowańskeje grupy, ga njemusy ta sama partaja, politiski zwěstak abo wuzwólowańska grupa pódpěrajuce pódpisma zběraś, jolic až ten samy šołta abo šołtowka jo wordował do swójojo amtu ako jich kandidat wuzwólony.

9.2 **Wažne pokazki**

9.2.1 Pšipowěženje kandidatury z boka partaje, politiskego zwěstka, wuzwólowańskeje grupy, lisćinowego zwěstka, samotnego kandidata abo kandidatki, kótaryž abo kótaraž za wustajenim tego górzeje stojacego numeru 9.1 **njejo** wót słušności zběranja pódpěrajucych pódpismow wulichowana,

– we paže kandidatury, ako se pósěgujo na teritorium wuzwólowanja –, deje se pšipoložyś nanejmenjej **3** pódpěrajuce pódpisma wót luži, ako maju wuzwólowańske pšawo **na teritoriumje wuzwólowanja**.

9.2.2 Wósoba z wuzwólowańskim pšawom dej swójo pódpěrajuce pódpismo daś wósobinski a na wizu, ak dajo se kontrolěrowaś, **nanejpóźdzej** až do

**srjody, 03. apryla, zeger 16.00**, pla

**wuzwólowańskego zastojnstwa, amt Luboraz/Górne Błota,  
mjeldowański amt (špa 1),** Cerkwina droga (Kirchstraße) 11, 15913 Tšupc (Błota)

Pódpěrajuce pódpismo móžo se teke daś pla **cesnoamtskego šołty** abo **cesnoamtskeje šołtowki** we kraju, pšed **notarom** abo **notarku** abo pšed drugim **zastojnstwom**, ako ma **pšiwdanu móc pódpisma amtski wopóznaniś**. Pódpismowe lisćiny k tomu, kótarež som ja na póżedanje **wužěliła** (glej numer 9.2.3), deje se **wuzwólowańskemu zastojnstwoju (amt Luboraz/Górne Błota, Cerkwina droga 11, 15913 Tšupc (Błota)) nanejpóźdzej do srjody, 03. apryla 2024, zeger 16.00** pšedpolažyś.

Te pominane **pódpěrajuce pódpisma** deje se zběraś **na amtskich formularach, kótarež ja som wudała abo wužěliła** a kótarež su zgótowane za musterom **6** k paragrafoju § 32 póstawk 4 numer

3 wustajenja BbgKWahlV. Pši tom zběranju pódpismow dej se glědaś na slědujuce pśedpisma:

9.2.3 **Na póżedanje pśipowězarja kandidatury** worduju te formulary wóte mnjo ned k dispoziciji stajone **we wuzwólowańskem zastojnstwje, amt Luboraz/Górne Błota, Cerkwina droga 11, 15913 Tšupc (Błota).**

Pši takem póżedanju deje se familijowe mjenja a pśedmjenja kaž teke adresa **kuždego kandidata a kuždeje kandidatki we derje widobnem řědu** pódaś. Gaž kandidaturu **pśipowěžejo partaja, politiski zwěstk, wuzwólowańska grupa abo lisćinowy zwěstk**, ga dej wušej togo se pódaś jich polne mě a skrotcenje, jolic až se take wużywa.

Wušej togo dej pśipowěžař kandidatury pśez pisnu deklaraciju wobtwarziś, až kandidaty su wordowali wumjenjone a řěd jich kandiděrowanja wustajony za paragrafom § 33 kazni BbgKWahlG, abo wón dej pśedpólożyś eksemplar protokola wót wumjenjenja kandidatow a wustajenja řědu jich kandiděrowanja. Pši **pśipowěženju kandidatow lisćinowego zwěstka** deje se wušej togo pódaś mjenja a teke skrotcone mjenja, jolic až take su, wót wšykných wobžěloných organizacijow.

Pši pśipowěženju **samotnego kandidata abo kandidatki** dej se pódaś pomjenjenje „samotna kandidatura”.

Na póżedanje pśipowězarja kandidatury budu ja, jo-lic až te wušej pomjenjone kriterije budu dopolnjone, amtske formulary k pódpisanju kandidatury wupólożyś teke pla cesnoamtskeje šoltowki abo cesnoamtskego šolty we kraju, pśed notarom abo notarku abo we drugem zastojnstwje, ako ma pśiwdane pšawo pódpisma amtski wopóznaniś.

9.2.4 Kandidatury zboka partajow, politiskich zwěstkow, wuzwólowańskich grupow abo lisćinowych zwěstkow směju se pódpisowaś akle pó wumjenjenju kandidatow kaž teke pó wustajenju řědu jich kandiděrowanja za paragrafom § 33 kazni BbgKWahlG. Pódpěrajuce pódpisma, ako su se dali južo pjerwej, njesu płašece.

9.2.5. Jadna wósoba z wuzwólowańskim pšawom smějo jano jadnu kandidaturu k wuzwólowanju gmejskeje rady gmejny Stara Niwa/Wózwjerch pódpisaś. Jo-li něcht za to wuzwólowanje wěcej ako jadnu kandidaturu pódpisał, ga su wšykne pódpěrajuce pódpisma teje wósoby stakim njeplašece.

9.2.6. Kandidatury, kótarež se pósěguju **na wuzwólowański wokrejs**, směju se pódpisaś jano wót wósobow, kótarež maju we tom samem wuzwólowańskem wokrejsu wuzwólowańske pšawo. Gaž kandidaturu, ako se pósěgujo **na wuzwólowański wokrejs**, jo pódpisała wósoba, kótaraž we tom samem wuzwólowańskem wokrejsu sama njama wuzwólowańskego pšawa, ga jeje pódpismo njejo płašece.

9.2.7. To wuzwólowańske pšawo dej wobstojaś we wokognuśu pódpisanja. Kandidaty a kandidatki njesměju swóju samsku kandidaturu pódpisaś.

9.2.8. Pósporomje pódpisma deje se pódaś familijowe mjenja, pśedmjenja, narodny žeń a adresa pódpisarja abo pódpisařki, kaž teke datum pódpisanja. Pódpisař abo pódpisařka dej pśed pódpisanim swóju identitu wupokazaś. Slědkwežeśe pódpěrajucych pódpismow, kótarež južo płaše, wóstanjo mimo wucynka.

9.2.9 Wósoba z wuzwólowańskim pšawom, kótaraž pótrjeba dla šělneje brašności pomoc pši pódpisanju, móžo wumjeniš swójogo pomocnika abo pomocnicu swójeje dowěry, ako za nju pódpišo. Wósoba z wuzwólowańskim pšawom, kótaraž dla brašności nje psemóžo sama na amt pśiś, móžo na swójo póżedanje, město pódpisma, deklaraciju pśed zastupnikom wuzwólowańskego zastojnstwa wótedaś. Póżedanje wó taku móžnosť móžo se stajiś pisnje pla wuzwólowańskego zastojnstwa **až do pónjezelego, 1. apryla 2024, zeger 16.**

9.2.10 Za wšykne pódpisarje a pódpisařki z wuzwólowańskim pšawom, ako su dali swójo pódpěrajuce

pódpismo na tej wóte mnjo wudanej abo wupołożonej lišćinje, dej wuzwólowańske zastojnstwo wopóznaniš z pšipiskom, až wóni su we wokognušu pódpisanja měli wuzwólowańske pšawo na teritoriumje wuzwólowanja (žo-li wó kandidaturu, ako se pósěgujo na **teritorium wuzwólowanja**) abo we pótrjefjonem wuzwólowańskem wokrejsu (žo-li wó kandidaturu **za wuzwólowański wokrejs**).

#### 10. **Wótpóranje brachow**

Gaž ten wustajony cas za pšipowěženje kandidaturow bužo mimo (to se stanjo **na 4. aprylu 2024 zeger 12**), ga brachy, ako maju cyniš z licbu a ředom kandidatow a kandidatow, njebudu móc se wěcej póřěziš, a teke pódpěrajuce pódpisma pšispóraš, ako hyšći feluju, njebužo wěcej móžno. To same plaši, gaž kandidat abo kandidatka jo tak brašnje pomjenjona, až jogo abo jeje identita njejo k póznašu. Wšykne druge brachy, ako pótrjefiju plašiwóšć kandidaturow, mógu se póřěziš hyšći až do rozsuženja nad pšipušćenim kandidaturow (§ 37 póstawk 1 kazni BbgKWahlG).

#### 11. **Pšipušćenje kandidaturow k wuzwólenju**

Wuzwólowański wuběrk wobzamkńo **waltoru, 09. apryl 2024 zeger 13:00** na zjawnem pósejženju, lěc wšykne kandidatury deje se k wuzwólenju pšipušćiš. Wušej togo plaši § 37 kazni BbgKWahlG kaž teke §§ 38 a 39 wustajenja BbgKWahlG.

### **B. Wuzwólowanje cesnoamtskego šoły abo cesnoamtskeje šołtowki gmejny Stara Niwa-Wózwjerch**

Rozkłaženja k punktoju A numer 3, 6.1, 6.3 a 6.4, 7, 8, 10 a 11 k wuzwólowanju gmejnskeje rady gmejny Stara Niwa-Wózwjerch plaše teke za wuzwólowanje cesnoamtskego šoły abo cesnoamtskeje šołtowki gmejny Stara Niwa-Wózwjerch ze slědujucymi wustajenjami pó zmysle:

#### 1. Kandidatury deje mě wordowaš pšipowěžone na formularach za musterom **5b** k paragrafoju § 33 póstawk 1 sada 1 wustajenja BbgKWahlG.

We kuždem pšipowěženju smějo jano jedna kandidatka abo jaden kandidat wumjenjony byš.

Kužda kandidatka a kuždy kandidat smějo byš wumjenjony jano we jadnom pšipowěženju k wuzwólowanju cesnoamtskego šoły abo cesnoamtskeje šołtowki.

Kandidatka abo kandidat, ako jo pšipowěžona wót jadneje **partaje**, njesmějo byš zrownju člónk drugeje partaje, kótaraž jo wósebjje ze swójim kandidatom abo kandidatku na tom wuzwólowanju wobželona.

#### 2. Kandidat abo kandidatka musy byš wobjadny abo wobjadna z pšipowěženim swójeje kandidatury, a ta wobjadnošć dej se wobtwarziš a wótedaš na musterowem formularu **7b** k paragrafoju § 33 póstawk 2 numer 1 wustajenja BbgKWahlG.

#### 3. Protokol wót wumjenjenja kandidata abo kandidatki dej se spisaš na formularje za musterom **9b** k paragrafoju § 33 póstawk 2 numer 1 wustajenja BbgKWahlG.

#### 4. Słušnošć zběranja pódpěrajucych pódpismow njeplaši za južo amtěrujucego šołu abo amtěrujucu šołtowku.

#### 5. Pšipowěženju kandidaturow z boka partaje, politiskego zwěstka, wuzwólowańskeje grupy, lišćinowego zwěstka, samotnego kandidata abo kandidatki, ako **njejsu** wulichowane wót słušnošći zběranja pódpěrajucych pódpismow za paragrafom § 70 póstawk 5 kazni BbgKWahlG, dej se nanejmnjej **16** pódpěrajucych pódpismow pšipołožyš. Wušej togo plaše rozkłaženja k punktoju A numer 9.1.1 do 9.1.4, 9.2.2 do 9.2.5 a 9.2.7 do 9.2.10 pó zmysle.

### **III. [Formulary za pšipowěženje kandidaturow](#)**

Formulary, ako su trjebne k pšipowěženju kandidaturow, wobstaraju ja, a wóni mógu se pši mnjo skazaš. Wy namakajošo formulary teke na internetowem boku amta Luboraz/Górne Błota

([www.lieberose-oberspreewald.de](http://www.lieberose-oberspreewald.de)) pód rubriku „wuzwólowanja”. Amt Luboraz/Górne Błota, Cerkwina droga (Kirchstraße) 11, 15913 Tšupc (Błota) (tel. 035475 863 – 12) abo Mark (Markt) 4, 15868 Luboraz (Lieberose) (tel. 033671 638 – 56).

gez. Krischock

Wjednica wuzwólowanjow we gmejnach amta Luboraz/Górne Błota